

Regnum Chinæ.

Regio.

Situs.

Cæli temperies.

& Soli fertilitas.

Animalium va-
rietas.

CHINÆ Regnum amplissimum ac potentissimum, Incolæ *Tame*, & seipso *Tangis* vocant. Prolemæus vel hos, quod quidem Ortelio placet, quem plerique sequuntur, vel vicinos Cætaïenses, quod magis probat Mercator, vocat *Sinas*. Sitæ est autem Regio omnis ad Oceanum Eoum, & ab Ortu Solis terrarum extrema putatur. Fines ejus ab Oriente Mare Eoum, Cauchinchina Provincia a Meridie; qua Occidens est, Brachmanæ: qua Septentrio sunt Tartari, gens bellicosissima, a quibus Montibus & muro longissimo discluditur. In universum autem cinctus ille sive ambitus Muri Montiumque ad 150 Milliarum protenditur. Historici Chineses murum hunc ante annos ducentos a quodam Rege Tzintzoo nomine exstructum memorie prodiderunt, postquam hujus Regionis incolas a Tartarorum tyrannide, quam xci i i annos perpessi fuerant magna prudentia liberasset. Regio Cæli & Soli temperie, nec non Hominum industria, omnium rerum ferax. Habet enim homines minime desidiosos, sed labori assuetos: quibus nihil indignius videtur, quam vitam in otio transigere. Hinc fit ut nullus totius Tractus angulus non aliquid producat. Loca arentia Tritico & Hordeo conferunt. Humida, Plana, aut Palustria, Oryza, cujus quater uno anno satio est. Colles Montesque Pinetis abundant, quibus interserunt Panicum vel Legumina. Nullus itaque locus, nullus Ager infrugifer: & ubique Horti, Rosæ, & varium genus Florum Frugumque. Lini etiam frequentes sunt Segetes, & Arbusta Moro confita, ad nutriendos Bombyces. Auri præterea. Argenti, Æris, Ferri, aliorumque Metallorum, Gemmarum, Vnionum, Musci, Saccari, Rhabarbari magna copia: præstantissimum habetur, id quod istinc per Persiam terra ad nos adquod a Chinesibus *Lampalam*, a nostris *Radix China* dicitur: estque ejus usus per totam Indiam frequentissimus contra quævis Apoplemata, Paralysem & Morbum Gallicum. Ejus Radix dura est & ponderosa atque albi coloris. Pecorum in Montibus & Pratis greges infiniti. Silvas & Nemora incolunt Apri, Vulpes, Lepores, Cuniculi, Zebellini, Martes; aliaque id genus Animalia, quorum pelles in vestimentorum usum expetuntur. Horum jucunda hic utilisque venatio est. Avitii generis mira copia, præsertim aquatilis, cujus tanta multitudo & præcipue Anatum, ut in urbe Canton, ex minoribus hujus Regni una, decem vel duodecim millia uno die absumentur. Quamvis autem hæc Regio Animalium ferax sit, arte tamen hanc feracitatem adaugent hoc artificio. Vere duo aut tria millia ovorum fimo condunt, cujus calore suo tempore erumpunt Anatum pulli.

Idem